



## Universitätsbibliothek Paderborn

### **D. Ioannis Ivsti Lanspergii Carthvsiani, Natione Bavari, Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Actio gratiarum pro Iesu dolorosa crucis baiulatione, sub eadem  
defectione, mœstissimæ eius matris obuiatione, ante deniq[ue] eius  
crucifixionem vestimentorum furibunda extractione, omniumq[ue] eius ...

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

seueritate coram conscientia mea ex me rationem exigam, & nudo exacto iudicio acriter discutiam & examinem, cunctaq; vitiosa condemnem. Tu etiam pijsi-  
me Iesu redemptor meus, absolue & laua me ab omnibus peccatis & negligentijs  
meis, vt per tuam misericordiam plenè tibi reconciliatus, per passionem tuam  
perfectè purgatus, per gratiam tuam à cunctis vitijs liberatus, tuis meritis ac vir-  
tutibus omnibus decoratus & ditatus, ex hac mortali vita, neque damnandus neq;  
vltra castigandus, (si ita visum fuerit bonitati tuæ, & cessurum ad honorem &  
gloriam) egrediar, sed tua singulari benedictione & gratia ad consolationem &  
gloriam interminabilem recipiar, scilicet ad te creatorem meum, vt coram districti  
iudicij tui tribunali inconfusus & impavidus stare merear, atque cum omnibus e-  
lectis tuis dulcissimam illam inuitationis tuæ vocem audire valeam: *Venite bene-*  
*dixit Patris mei &c.* Et vt ad hoc tuo dono pertingam, fac me nunc dulcis Iesu interi-  
m tui amantissimum & desideratissimum, vt nulla possim extra te consolatione  
recreari, quin potius totus tui amore langueam, totus à me deficiam, totus in te v-  
no solo viuam atque subsistam, Amen.

Matt 25.

*Actio gratiarum pro Iesu dolorosa crucis baiulatione, sub eadem desolatione, massissima  
eius matris obuiatione, ante denique eius crucifixionem vestimentorum furibunda extra-  
ctione, omniumq; vulnerum eius inuouatione.*

## CAPVT VIII.

**H**v millime Iesu Christe, rex cœli & terræ, adoro, laudo & benedico te, gra-  
tias agens tibi pro granissima illa pressurarum mole, qua intus & foris incō-  
prehensibiliter supraq; omnem intellectum angustiabar & astuabas, quā-  
do ad mortem crucis innocenter damnatus, proprijs iam vestibus reindutus, & la-  
tronibus ad maiorem tui confusionem sociatus, inter opprobria & vituperia, per  
medium omnium spectatorum, extra urbem es eductus, ferens super vulneratum,  
afflictissimum, diuersisq; tormentis prorsus delassatum exhaustumq; sacrum cor-  
pus tuum, crucem tuam: (in qua extremum passurus eras supplicium) vna cum  
immensa mole omnium peccatorum totius humani generis. Quod quidem op-  
probrium pie Iesu, cum nemini ante, nec latronibus modo tecum crucifigendis, ti-  
bi tamen singulariter factum est, vt si mortis tuæ causam (quam nullam habebas)  
quis cognoscere cuperet, vel hoc schemate singularis infamæ, te omnium maximè  
reum mortis crederet, qui proprium supplicium ad locum Caluarie (quod pesis-  
mus quisque nec ante extulisset) exportares.

Heu pijsissime Iesu, miserator misericordissime, iam pœnis nimis fatigatus, &  
vndique discruciat, iam viribus plenè exhaustus, & totus destitutus (sola amoris  
adhuc fortitudine stante & agente) quomodo incedebas sub cruce onustus, & ad  
terram curuatus, dolens & gemens? occurrente interim benedicta macro tua cuius  
cor amorosum & purissimum in intolerabili fuit amaritudine, angustia & dolo-  
re, quādo ipsa te in porta obuium habuit diris vinculis arctatum, & vndique tam  
inhumaniter tractatum & deformatum, latronum socium, patibulum in benedi-  
ctis humeris gestantem, profundatq; suspiria trahentem, & anhelante tremē-  
tem: Quam cum innocenter aspiceres, acerbissimo Simeonis gladio nimis crude-  
liter in intimis visceribus suis transvulnerata, nec verbum loqui valens, penè ex-  
animis effecta est, vel fortasè tota deficiens humi corruit. Cuius indicibilis dolo-  
ris tu lucidè perspiciens magnitudinem, tum ex intolerabili compassione, tum ex  
fatiga-

fatigatione, etiam præ nimia præssura defecisti. Sequebantur quoque te bone Iesu. Luc. 26.  
 pię quædam mulier es flentes & lamentantes, alijq; amici, vestigia tua cruenta se-  
 stantes, quos retrospectans tu consolabaris: filijs interim Belial gaudentibus, can-  
 tantibus, & super damnatione tua tibi insultantibus: quos humiliter, & velut om-  
 nium malorum reus, tolerabas. Benignissime Iesu, interea trahebaris, impelleba-  
 ris, prosternebaris, conculcabaris, omnibus subsannandus ac illudendus offereba-  
 ris, donec viribus tandem omnibus destitutus, sub trabe crucis sæpius miserabili-  
 ter deficiens, in saxa terrantq; durissimè corrueres, ac Simone tandem angariato,  
 qui post te crucem ferret, ad Caluarię montem multo cum labore & dolore per-  
 tingeres: vbi verecundus coram hostibus, & omni plebe nudabaris, atque ad eò re-  
 nouatis doloribus & reapertis vulneribus tuis singulis, per lanę vestis (quæ pla-  
 gis tuis congelata fuerat) violentam abstractionem, denuò fauciabaris. Matt. 27.

*Pro perfectã sui abnegatione, verum & spiritus paupertate, Christi formiumq; virtu-  
 tum imitatione, Precatio VIII.*

**P**RO his singulis & vniuersis pro me perpensis, adoro, laudo, & benedico te pie  
 Iesu, gratiasq; ago tibi, obsecrans te per infinitum illum tuum erga nos amo-  
 rem & misericordiam, da mihi gratiã perfectissimè funditusq; abnegandi  
 meipsum, iuxta omne tuum beneplacitum & crucè pœnitentię, acquirendarumq;  
 virtutũ, ad quam me singulariter misericordissime vocasti, strenuè tota vita (per  
 charitatem in me semper excrecentem) perseuerando portare, donec crucis tuę  
 fructum & meritum (purgato prius bene animę palato) percipiam hic in gratia,  
 & post in gloria. Da igitur mihi dulcis Iesu, benedictam passionem tuam iugiter  
 deslere cum intima compassione, eamq; nunquam à corde meo excidere, delerue;  
 sed cor meum continuè ea vulneratum permanere. Per item altissimam & admi-  
 randam tuam paupertatem, qua tu potentissimè Fili Dei viui, vniuersorumq; au-  
 thor de totius mundi, diuitiarumq; tuarum magnificentia, non solum nihil habe-  
 bas proprium, sed nec necessariorum corpori vestimentorum retinere permitte-  
 baris vsum: obsecro te vt digneris me à cunctis in spiritu & natura nudare, quæ  
 voluntati tuę quoquomodo contraria sunt, tuiq; dilectionem in me in frigidare  
 possent. Fac me ergo feruentissimum extremæ paupertatis amatorem, atque om-  
 nis indigentię, etiam rerum quasi necessariarum (qui enim non sequitur te, non est  
 te dignus) vt omninò tui amore contemnam quicquid mundus habet; ita vt ad tui  
 solius gloriam ex creaturis, duntaxat necessitatis vsum capiam, citra omnem in-  
 ordinatum & vitiosum affectum & concupiscentiam. Matt. 10.

Trahe me igitur pijsime Iesu post te, vt ardentissimo desiderio imitandi ve-  
 stigia vitę ac passionis tuę, sequar te quocunq; ieris, & quocunq; me sequi vo-  
 lueris.

Seruam tibi perpetuo fideliter, sicut tibi placuerit. Sustineam æquanimiter,  
 quicquid tu pati me volueris. Intelligam & indubitanter credam in omnibus pa-  
 ternam tuam prouidentiam: de manu tua cuncta cum laude & gratiarum actione  
 suscipiam, in seruitio tuo neque tepescam, neque deficiam vnquam, sed semper  
 proficiam, & omnes vires animę & corporis, adeoq; omne tempus vitę meę in  
 beneplacitum tuum, in laudem & amorem tui perpetuo expendam, Amen.